

Siōng 大 ê 成就

所以，我所疼所數念 ê 兄弟姊妹，lín 是我 ê 歡喜，我 ê 榮光。Lín tiòh óa 靠主 khiā 在。(《全民台語聖經》腓立比書 4：1)

保羅叫伊 tī 腓立比 ê 朋友「我 ê 歡喜，我 ê 榮光」，這是啥物意思？「歡喜 kah 榮光」是特別重要 ê，所以，當保羅用 chit-ê 語詞來指伊 ê 腓立比家庭 ê 時，伊是 teh 講「Lín 是我生命中 siōng 重要 ê 人。」

Chit-má，咱來思考，保羅是 teh 談論一間 tī 一個落後(lòk-hō)鄉鎮 ê 小教會，一個咱今 á 日可能會想 beh kā 它註銷 ê 無啥要緊 ê 教會小組。雖然 chit 間教會 ê 會友真少，m̄-koh 保羅 kā in 當做是伊生命中 ê 最高成就。為啥物 leh？因為通過 祂 ê 僕人保羅，基督有為 hit 間細間教會注入活命。使徒認為伊 ê 宣教成就 kah 得 tiòh 人來信靠基督，是伊 bat 做過 ê siōng 偉大 ê tai-chì。實際上，伊是 teh 講：「當我 ê 性命結束 ê 時，lín tòh 是我想 beh 留落來當做我努力 ê 記念品。」

我確信咱大部分 ê 人 lóng 有想 beh 至少刻一 koá 啥物 tī 咱 ê 墓碑。咱 kám 有想 beh 記錄咱引 chhōa gōa chē 人來信基督？若是 án-ne，咱 iáu koh 健在 ê 家庭成員 kám 會對頂面所刻 ê 數字感覺見笑？

咱 ê 性命需要有正確 ê 目標，咱 tiòh ài kā 咱對基督 ê 事奉看做是 siōng 偉大 ê 成就。當咱開始 án-ne teh 想 ê 時，咱 tiòh 是 teh 開始塑造一個無仝 ê 性命。咱 beh 用 koh khah chē ê 時間 kah 氣力來傳揚福音，thang 推進咱 ê 救主 ê 宣教事工，而且耶穌保證咱 chit 種選擇會帶 hō 咱 koh khah chē ê 冒險 kah 滿意，m̄ 是 khah 少。

祈禱：上帝 ah，求祢幫助我會記得祢對我 ê 疼永遠 bē 搖動，祢赦免我 ê 罪是絕對 ê，而且祢對我 ê 慈悲永遠純真 koh 堅固。求祢教我根據祢 ê 優先順序重新調整我 ê 生活；m̄ 是 tī 未來 ê 某一工，卻是 chit-má。所以，求祢引 chhōa 我進入一個 koh khah 喜樂、超群 koh 成功 ê 生活方式。求祢 koh 指示我 kā 我 ê 性命 piàⁿ tī 別人身上，án-ne，我 mā ē-tàng 指 in 講：「He 是我 ê 榮光」。我奉耶穌 ê 名祈禱。阿們。

(1978.09.24)